



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-538-2/22**
Datum: **24.10.2022. godine**

«Agencija za vodno područje rijeke Save» Sarajevo rješavajući po zahtjevu Investitora „TEHNIČAR“ d.o.o., Doboj Istok za izdavanje prethodne vodne saglasnosti za aktivnost ispuštanja tehnoloških otpadnih voda iz poslovnog objekta koji se planira graditi u Klokotnici, općina Doboj Istok na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev Investitora „TEHNIČAR“ d.o.o., Doboj Istok za izdavanje prethodne vodne saglasnosti za aktivnost ispuštanja tehnoloških otpadnih voda iz poslovnog objekta koji se planira graditi na zemljištu označenom kao k.č. broj: 3571/1 K.O. Klokotnica, općina Doboj Istok, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

O b r a z l o ž e n j e

Investitor „TEHNIČAR“ d.o.o., Doboj Istok se dana 07.10.2022. godine obratio ovoj Agenciji sa zahtjevom bez broja za izdavanje rješenja o prethodnoj vodnoj saglasnosti za aktivnost ispuštanja tehnoloških otpadnih voda iz poslovnog objekta, koja se planira graditi na zemljištu označenom kao k.č. broj: 3571/1 K.O. Klokotnica, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o upisu promjena podataka o subjektu upisa u sudski registar broj: U/I-1278/02 od 25.12.2002. godina izdato od Kantonalni sud Tuzla;
- Ovjerena kopija katastarskog plana, razmjera 1:2500, broj plana 7., UR broj: 05-26-692/2022-2 od 08.08.2022. godina izdato od Službe za prostorno uređenje, općina Doboj Istok
- Ovjerena kopija zemljišnoknjižnog izvotka, zk.uložak broj:2388, broj: 027-0-NAR-22-005157 K.O. Klokotnica, općinski sud u Gračanici;
- Mišljenje o usklađenosti planirane aktivnosti sa prostornim planom broj: UP-I-05-19-356/22 od 04.10.2022. godina izdato od Općinska služba za prostorno uređenje, općina Doboj Istok;
- Studija za izdavanje prethodne vodne saglasnosti za poslovni objekat P+1 u Klokotnici, broj: 06/8-147.3/22 od 28.06.2022. godine urađena od strane Rudarsko-Geološko-Građevinski fakultet Tuzla-uža naučna oblast Hidrogeologija i Hidrotehnika;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije, Studije za izdavanje prethodne vodne saglasnosti i mišljenja tehničke struke utvrđeno je sljedeće:

- Lokacija objekta se nalazi na parceli označenoj kao k.č. broj: 3571/1 K.O. Klokotnica, općina Doboj Istok.
- Osnovna namjena planiranog poslovnog objekta spratnosti prizemlje i sprat je trgovinsko-uslužna djelatnost sa najmanje tri poslovna dvoetažna prostora.
- Prema Studiji parcela nisu ugrožene linijom dopiranja velikih voda 1/100 potoka Rijeka. Potok Rijeka je vodotok II kategorije i isti je potpuno regulisan od strane Investitora regulacije općine Doboj Istok.
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br.26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Remić Dž., dipl.iur.

Po ovlaštenju
Rukovodilac sektora za zdavanje vodnih akata



Haris Alšehović, dipl.inž.građ.

Dostaviti:

- „TEHNIČAR“ d.o.o.
Ul. Alije Izetbegovića 26., Klokotnica
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava